

INUIT ATAQATIGIIT

INATSISARTUNI



12. maj 2010

Inatsisartut Suleriaasianni § 36, imm. 1 naapertorlugu Naalackersuisunut apeqqutit imaattut matumuuna saqqummiuppakka:

(Inatsisartunut ilaasortaq Isak Hammond, Inuit Ataqatigiit)

Apeqqutit:

1. KNR TV-mik isiginnaartartut kikkummita sumilu najugaqartut digital TV-kkut kanal-inik assigiinngitsorpassuarnik isiginnaarnissaminnut periarfissinneqassapat?
2. Qaqortumi, Nuummi, Sisimiuni Ilulissanilu digital TV-kkut kanal-inik amigaateqaratik isiginnaarnissamut periarfissaqareersut, qaavatigut aamma KNR TV-mit neqeroor-figineqalerpat?
3. Maannamut suli digital TV-kkut kanal-inik assigiinngitsunik isiginnaarnissaminnut periar-fissaqalersimangitsut siulliunneqassannginnerlutik?

Tungavilersuut:

Tele Greenland A/S-ip Kalaallit Nunaanni KNR-imik isiginnaartartut piffissami qaninnermi neqeroorfiginiarpai KNR-TV aqqutigalugu digital TV-kkut kanal-inik assigiinngitsunik isiginnaarsinnaalissasut.

Tamanna ajunngilluinnarpoq, kisiannili teknik-ikkut siuariartorneq periarfissanillu atorluasariaqarneq eqqarsaatigigaanni isumaqarnarpoq, periarfissaq tamanna innuttaasunut kikkunnulluunniit tamanut aamma atuttariaqartoq.

Sinerissami sumiiffikkaartumik TV-iutileqatigiit maannakkut akiliuteqartitsinikkut digital TV-kkut kanal-inik isiginnaagassanik assigiinngitsorpassuarnik neqerooruteqartareerput, soorlu Qaqortumi, Nuummi, Sisimiuni aammalu Ilulissani. Taamatulli periarfissaqartitsineq sumiiffinni tamani atuutinngilaq isiginnaartartullu taamaallaat KNR TV maannamut isumaluutigivaat.

Taamaammat paaserusuppara KNR TV-mik isiginnaartartut kikkummita sumilu najugaqartut digital TV-kkut kanal-inik assigiinngitsorpassuarnik isiginnaarnissaminnut periarfissinneqassapat?